



Bós Aires, Marzo de 19 62.

Consello de Galiza

Sr. D. César Alvajar Diéguez,
Delegado en París do Consello de Galiza e das Irmandades Galegas de América.
Rue d'Assas, 78,
París VI, Rep. Francesa

Da nosa mais outa estimanza:

O Consello de Galiza, na súa derradeira xuntanza xeral, tomou coñecimento de dúas cartas de vostede, dirixidas a iste Consello, por intermeio do noso irmán conselleiro de Relations, don Ramón Suárez Picallo, datadas o 2 e o 5 de febreiro do ano en curso.

Na primeira comunicanos vostede a súa situación con motivo da morte do Excmo. Sr. Presidente da República Española no desterro, don Diego Martínez Barrio, en nome e representación das entidades galegas de América, das que é vostede digno e eficaz delegado en París. Comunicanos, eisimesmo, as consecuencias políticas ó orden xurídico, político, institucional e constitucional que trae aparelladas a morte do ilustre cidadán e maxistrado, que foi sempre un bon amigo de Galiza e das súas aspiracións. E despois, a solución mais ou menos provisional dada a ista crises, tendente a manter a legalidade republicana, que nós recoñecemos e apoiamos como tal legalidade: a asunción do Dr. Luís Jiménez de Asúa, da función presidencial vacante, e a designación de don Claudio Sánchez Albornoz como xefe do Goberno. A prensa de Bós Aires, confirmando as súas noticias, deu ampla información cablegráfica encol do problema; con unha variante nova: que o novo Goberno deixaría de ser combatente político republicán, pra se trocar nun organismo simbólico, integrado por persoalidades españolas de prestixio universal (mentáronse nomes: Pablo Casals, Picasso e don Salvador de Madariaga, entre outros), o que está mui en concordancia coa significación, puramente intelectual e científica, de Jiménez de Asúa e de Sánchez Albornoz, ningún dos cuales é combatente político nin amigo de Galiza e do seu problema esencial: a autodeterminación política do noso pobo.

Non embargantes, o Consello de Galiza manterá o seu recoñecemento e o seu apoio, a calquera Goberno republicán español no desterro, coa única condición de que respete a posición dos gobernos anteriores -- Gordón Ordas, Emilio Herrera-- referente ó "status" dos pobos de Euzkadi e Cataluña, e o "semi-status" autonómico de Galiza.

Coida, eisimesmo, iste Consello, tratándose como se trata de unha crisis de fondo e de outura, que deben ser consultados os deputados da República, que aínda viven, e que, ó fin e o cabo, representan a derradeira vontade dos pobos peninsulares, que teñen que apoiar ó Goberno, si o tal Goberno desexa ter, aínda que sexa simbólicamente, certo grado de representatividade política popular é constitucional.



Bós Aires, Marzo de 19.62

Consello de Galiza

Alvajar - 2a.

///

X Tamén deben de ser consultados, como o foron en anteriores crisis, os Governos autónomos de Euzkadi e Catalunya, é, pol-as mesmas razóns, o representante do Consello de Galiza.

Niste orden de ideas, o Consello de Galiza, despóis de ratificar con un aplauso unánime, as súas situacións, concédelle un amplo voto de confianza, na seguridade de que seguirá servindo con talento e con patriotismo, como o fixo até agora, en favor de Galiza e das súas esperanzas.

I-agora, referímonos a súa segunda carta --data 5 de febreiro-- que se refire, especificamente, as organizacións políticas e sindicais que traballan ahí en contra do réximen imperante na Península, constituídas co nome de "Unión de Fuerzas Democráticas", na que oficialmente aínda non participa Galiza con persoalidade propia.

O Consello vé con gran simpatía a creación desa entidade; e proba d'elo, é que fixo suxerencias ás Irmandades Galegas de América, por intermeio de Irmandade de Bós Aires, pra que ingresen nela o antes posibre. Aparte da entidade en sí, dos seus propósitos e dos seus fins, merecenos moita confianza a presenza na súa dirección do señor Maldonado, pol-o seu apoio e simpatía á causa de Galiza, e pol-a súa vertical posición republicana e democrática. Estamos seguros de que as Irmandades acollerán favorablemente a nosa suxerencia.

X En troques, temos dúbidas de forma encol do ingreso do Consello de Galiza nesa entidade, como tal Consello. ?Forman parte dela o Goberno autónomo vasco i-a Generalitat de Catalunya? O noso Consello considérase na mesma liña, tesitura e posición das outras dúas comunidades irmáns, con cuíos representantes mantemos eiquí relacións en igual nivel. Averigüe vostede iste punto e comuníquenos a súa opinión ao respecto.

De todol-os xeitos, o Consello aproba e confirma, con aplauso, a súa situación, tamén neste aspeito, i-estamos seguros do seu fino instinto diplomático, de pura estirpe galega, posto ó servicio de Galiza, da Democracia e da República.

X E por derradeiro, tomamos boa nota da súa preocupación pol-a posibilidade de que no novo Goberno republicano no desterro, poida haber un ministro galego, como tal galego. Pareceríanos de pelras a idea de que Emilio González López ocupara ise posto, como vostede indica; pois, pol-a súa emoción galega, a súa laboura literaria i-a súa fidelidade á República, á Democracia i-ó espírito de Galiza, sería un candidato ideal; pero hai unha gran dificultade: Emilio González López é cidadán dos Estados Unidos de Norteamérica e desempeña n-a-
///



Bós Aires, Marzo de 19. 62

Consello de Galiza

Alvajar - 3a.

///

quel país funciós pedagóxicas universitarias, circunstancias istas que lle prohiben aítuar en calisquera cras de aítividades políbicas de estados estranxeiros, a menos que se inscribira como representante eistranxeiro no ministerio de Estado de Wáshington.

Por todo o cual, o Consello de Galiza xa pensóu dende o primeiro intre que o ministro galego, como tal, no Goberno da República, caso de concretarse ise nomeamento, sexa vostede, Cesar Alvajar Diéguez. O Consello de Galiza porpónno a vostede para ocupar ise cargo, aínda que isto siñifique de parte súa un gran sacrificio.

En todo isto, o Consello de Galiza ten o pracer de confirmar e ratificar canto vostede pense e faga --dentro do orden de ideas asignadas-- con un afervoado aplauso, con canto xa leva feito, a prol da nosa Patria galega.

Reciba, con istas liñas, o saúdo fraterno dos que somos seus irmáns i amigos na Patria e na Espranza.

Ramón Suárez Picallo

Ramón Suárez Picallo
Conselleiro de Relacións

Antón Alonso Ríos

Antón Alonso Ríos
Segredario do Consello de Galiza

Manuel Martínez Lamela
Manuel Martínez Lamela
Presidente da Comisión de Relacións

Antón Alonso Pérez
Antón Alonso Pérez
Segredario Coordinador



Nova dirección: Brasil 1182. Consello de Galiza. Bós Aires.